



Republika e Kosovës – Republika Kosova
Paneli Zgjedhor për Ankesa dhe Parashtrësia
Izborni Panel za Žalbe i Predstavke

A nr. 472/ 2010

Paneli Zgjedhor për Ankesa dhe Parashtrësia (PZAP), në panelin e përbërë nga, Rafet Haxhaj kryesues, Vlastimir Dimić dhe Ferit Osmani, duke vendosur përkitazi me ankesën e subjektit politik Lëvizja Vetëvendosja (LVV) me seli në Prishtinë, paraqitur kundër subjektit politik Partia Demokratike e Kosovës (PDK) me seli në Prishtinë, për shkak të kërcenimit gjatë procesit të votimit, në seancën e panelit të mbajtur me 14.12.2010, mori këtë:

V E N D I M

REUZOHET si e pabazuara ankesa e subjektit politik Lëvizja Vetëvendosja (LVV).

A r s y e t i m

PZAP ka pranuar një ankesë më datë 12.12.2010, nga subjekti politik LVV, me te cilën pretendohet se më datë 12.12.2010, në ora 15:30 në fshatin Strelc i Epërm në Komunën e Deçanit, në Qendrën e Votimit (QV) nr. 0105/02 ka hyrë Hysni Haziraj dhunshëm në këtë Vendvotim duke kontrolluar për kënd po votojnë votuesit, e që është në kundërshtim me nenin 9 paragrafi 4 të rregullës zgjedhore nr.09/2010.

Parashtruesi i ankesës nuk ika bashkangjitur asnjë provë ankesës.

Në raportin e Policisë të datës 12.12.2010, theksohet se në QV 0105/2, e cila është në Strelc të Epërm komuna e Deçanit, policia ka qenë gjatë gjithë kohës në këtë QV dhe nga zyrtaret policor nuk është vërejtur asnjë parregullsi. Po ashtu nuk është kërkuar asnjëherë nga kryesuesi i QV, që të ndërmerret ndonjë veprim nga policia.

Neni 118 paragrafi 1 i LZP-së, parasheh:

118.1 PZAP-i pranon ankesat e bazuara në fakte dhe refuzon ankesat të cilat nuk përmbushin standardet

Rregullat dhe Procedurat e PZAP-it, neni 3 paragrafi 6 pika (c) parasheh:

- (c) *hollësi rreth çfarëdo dëshmie dhe kopje të çfarëdo dokumentacioni relevant apo dëshmi të tjera në posedim të ankuesit ose udhëzime se ku mund të gjenden dëshmitë, në rastet kur të njëjtat nuk janë në posedim të ankuesit.*

PZAP-i pasi që shqyrtoj dhe analizoi shkresat e lëndës gjeti se;

- ankesa është e pabazuar.

Pretendimet nga parashtruesi i ankesës, se janë bërë shkeljet e theksuara në ankesë janë të pabazuara nga shkak se nuk janë ofruar dëshmi të mjaftueshme për të besuar se kanë ndodhur shkelja e tillë nga subjekti politik PDK. PZAP-i duke u bazuar në arsyet e cekuar më lartë e po ashtu në pajtim me dispozitat e cituara ligjore, në kuptim të nenit 115 paragrafi 1 të LZP-së, vendosi si në dispozitiv të këtij vendimi.

PZAP nuk do t'i pranojë kërkesat për ri-apelime, sepse vendimet e tij do të konsiderohen si përfundimtare. Prandaj, siç parashihet në Nenin 118.4 të LZP-së, *ankesa në Gjykatën Supreme të Kosovës mund të paraqitet brenda njëzetekatër (24) orëve nga momenti i marrjes së vendimit nga PZAP-i, në rast se gjoha e përfshirë është më e lartë sesa pesëmijë (5, 000) Euro ose në rast se çështja prek një të drejtë themelore.*

Paneli Zgjedhor për Ankesa dhe Parashtrësia

A nr. 472/2010 më datën 14.12.2010.

**Kryesuesi i Panelit
Rafet Haxhajt**

